

## ახალგაზრდა გეოლოგები დარიალის ხეობაში

საქართველოს ტექნიკური უნივერსიტეტის სამთო-გეოლოგიური ფაკულტეტის გამოყენებითი გეოლოგიის დეპარტამენტის IV კურსის სტუდენტები ნიკა მომცელიძე და გიორგი ურგებაძე ყაზბეგის მუნიციპალიტეტში იმყოფებოდნენ. მათი მიზანი იყო ადგილზე დაეთვალიერებინათ 23 მაისს დევდორაკის ხეობაში გააქტიურებული სტიქიური პროცესების შედეგად დაზიანებული ტერიტორია. მდ. დევდორაკის ხეობა ერთ-ერთი ყველაზე საშიში და რთული სტიქიური ხასიათით გამოირჩევა. უხვი ატმოსფერული ნალექის გამო, ხეობაში ხშირია ღვარცოფული ნაკადის წარმოქმნის შემთხვევები, რაც სერიოზულ საფრთხეს უქმნის ადგილობრივ ინფრასტრუქტურას და დასაქმებულ პერსონალს. სტუდენტებს ადგილზე სხვადასხვა უწყების წარმომადგენლები და გეოლოგები დახვდნენ, რომლებიც სტიქიის მიზეზებსა და შედეგებს სწავლობდნენ.

